

MANIFFESTO UCM CYMRU

ETHOLIAD CYFFREDINOL 2019

#PanFoMyfyrwyrYnArwain

PAN FO
MYFYRWYR
YN ARWAIN

Pan fo myfyrwyr yn pleidleisio, maen nhw'n pleidleisio'n flaengar dros gymdeithas decach, cyfleoedd i bawb, a dyfodol cynaliadwy. A phan fo myfyrwyr yn arwain, maen nhw'n arwain y ffordd ar addysg gyfartal, cymdeithas iachach, a chyfiawnder hinsawdd.

Gadewch i ni ailosod ein cymdeithas fel bod ein polisi a'n gweithredoedd yn seiliedig ar yr hyn sydd orau i'n holl ddinasyddion. Mae ein maniffesto'n canolbwyntio ar dair egwyddor ar gyfer gweithredu:

Terfyn ar Brexit er budd y cyhoedd

Yn ystod y blynyddoedd diwethaf, rydym wedi gweld Prydain yn cael ei gwhanu. Mae Brexit wedi creu parlys gwleidyddol, ac yn rhy aml, cymdeithas lai goddefgar a mwy ofnus. Yn y cyfamsr, mae myfyrwyr a phobl ifanc wedi cael eu hanwybyddu gan ormod o wleidyddion. Eto i gyd, cenedlaethau'r dyfodol sy'n mynd i fod ar eu colled yn sgil hyn.

Mae Brexit yn dominyddu'r etholiad hwn. Rydym yn galw ar wleidyddion oll i wrthod yr ymagwedd gul ac ynysol hon sy'n bygwth gwneud y DU yn dlotach – yn gymdeithasol ac yn ariannol.



Mae UCM Cymru am i bleidiau sy'n sefyll yn yr etholiadau hyn i wneud ymrwymiad i'r polisiau hanfodol hyn:

- 1 Cynnal Pleidlais y Bobl ar unrhyw fargen a gytunir arni gan Senedd y DU.
- 2 Sicrhau bod cyfran Cymru o'r Gronfa Ffyniant a Rennir ar ôl Brexit yn cael ei datganoli i Senedd Cymru.
- 3 Sicrhau nad yw'r lefelau cyfredol o gyllido ar gyfer Cymru o gronfa strwythurol yr UE yn cael eu lleihau mewn unrhyw ffordd yn dilyn Brexit.
- 4 Rhoi amddiffyniad i ddinasyddion yr UE sy'n brentisiaid ar ôl Brexit.
- 5 Amddiffyn symudedd myfyrwyr, i mewn ac allan, ar draws yr UE a'r byd ar ôl Brexit, gan gynnwys cyfranogi yn Erasmus+ neu unrhyw gynlluniau a ddaw ar ei ôl, yn ogystal ag astudio traws-ffiniol ar ynys Iwerddon.
- 6 Creu system fewnfudo deg ar gyfer pawb sydd am symud i'r wlad hon, gan gynnwys myfyrwyr rhyngwladol sy'n meddu ar fisas gwaith ôl-astudio sy'n para am o leiaf ddwy flynedd.
- 7 Sicrhau nad oes ffin galed ar ynys Iwerddon ac amddiffyn cytundeb Dydd Gwener y Groglith.
- 8 Diogelu cyflenwadau meddygol er mwyn lleihau'r risg yn sgil Brexit heb gytundeb.

MANIFFESTO UCM CYMRU

ETHOLIAD CYFFREDINOL 2019

System addysg er budd y cyhoedd

Addysg yw tanwydd ein cymdeithas a'n heconomi; y porth i gydraddoldeb. Dyma ble byddwn yn canfod datrysiadau i newid hinsawdd. Dyma sut y byddwn ni'n ennill y cymwysterau sydd eu hangen i gael swydd ac ail-hyfforddi pan fydd y byd yn newid.

Tra bod y gwleidyddion a etholir i Senedd y DU i raddau helaeth yn deddfu ar system Lloegr, mae UCM Cymru'n gwybod, drwy ei phenderfyniadau y gall cyllidebau gynyddu neu grebachu. Am fwy na degawd, mae cyfanswm gwariant ar addysg yn Lloegr wedi disgyn. Dylai Senedd nesaf y DU gywiro'r sefyllfa hon, gan roi ystyriaeth deilwng i'r effaith a gaiff ei phenderfyniadau ar fyfyrwyr sy'n astudio yng Nghymru.

Cymdeithas iach er budd y cyhoedd

Er mwyn i fyfyrwyr ffynnu yn eu haddysg, rhaid iddyn nhw fod yn gallu byw a gweithio mewn cymdeithas iach. Rhaid iddyn nhw fod yn gallu cael gafael ar gymorth ar gyfer eu hanghenion iechyd meddwl a chorfforol. Mae ganddyn nhw hawl i fyw mewn tai diogel a fforddiadwy. Maen nhw angen i'w lleisiau gael eu cynrychioli, ac ni ddylent wynebu unrhyw rwystrau wrth fynd ati i bleidleisio. Ac fel cymdeithas, mae rhaid i ni fynd i'r afael â'r argyfwng hinsawdd er mwyn diogelu ein dyfodol.

Bydd llawer o'r penderfyniadau a wneir gan Senedd y DU ar y materion hyn ond yn berthnasol i fyfyrwyr yn Lloegr. Eto i gyd, bydd y penderfyniadau ynghylch cyllido naill ai'n cynyddu neu'n crebachu'r cyllido a fydd ar gael i Senedd Cymru. Felly gofynnwn i Senedd y DU roi ystyriaeth deilwng i'w phenderfyniadau ynghylch addysg, a gofynnwn am yr un peth ym meysydd iechyd, tai a'r amgylchedd.

#PanFoMyfyrwyrYnArwain

**PAN FO
MYFYRWYR
YN ARWAIN**

Dylai pob plaid ymrwymo i'r canlynol:

- 1 Gwella hawliau ac amddiffynfeydd prentisiaid a myfyrwyr.
- 2 Diddymu Dyletswydd Prevent mewn addysg bellach ac uwch.

Dylai pob plaid ymrwymo i'r canlynol:

- 1 Amddiffyn cywirdeb ein democratiaeth a sicrhau bod gwleidyddiaeth yn hygyrch i fyfyrwyr oll.
- 2 Rhoi terfyn ar orfodi myfyrwyr rhwyngwladol i dalu'n ychwanegol am wasanaethau iechyd.
- 3 Gweithredu ar fyrder ar yr argyfwng hinsawdd.